

他如官制政治之大賦役
費用之繁津梁建置物產
蠶繅莫不備取而法之精歎
感哉披覽一過因不禁喟然
興嘆曰遂居睦野三上
山川人物甲于浙右欣逢

遂安縣志

孫序

我

皇上崇文重道大化鞠洽維山陬
海澨之區共承

聖人之聲教遂雖叢朶而山水
簞秀賢哲蔚興况古以來
代不乏人安知後不如今也

有斯書以遺來世後之人
展卷觀感俾生斯土者以鄉
賢為式則而砥節勵行標
為都人之楷模茲斯邑者
以名宦為師程而潔己愛
人務登黎元于雅席則風

俗日益墮人物日益盛矣即
他年

太史採風珥筆登記不更豈以
輝煌輜軒哉然則志之一書
彰風化即以示懲勸志也而進
于史矣書之闕于人心世道者

不慕鉅耶予故披攬焉而樂
為之序

省

乾隆三十二年歲次丁未春

月下游三書

文林郎知縣安縣事東萊孫

遂安縣志

四

斯盛撰



遂安縣志舊序

明朱福知縣

嚴郡守淮南朱公於政通人和百廢俱興之餘召屬
邑令福等諭之曰民安物阜廢墜不修舉我守臣欲
道其責不可也况典章文物乎爾令王導揚風教洞
察民隱邑之有志實關乎是畧而不修殊爲缺典可
不思鉅細畢舉期在有補於風化乎福不佞歸而禮
聘文儒得致仕教諭陸希和儒士俞謐共成其事於
舊有去其舛蕪凡所新增不尙繁文並皆實錄風俗
之美人物之盛有足以彰善癉惡而致治道之成者
具載焉誠非博而寡要勞而少功者矣今聖教所被

遂安縣志

舊序

不以一邑而間也於此可見梓成福宜爲之序夫周
官外史掌四方之志諸侯史記兼而有之厥後罷侯
置守郡邑有志之太史脩刪采成天下之全書竊以
人物實首風化所貴忠孝兼全功名優等學行高潔
之士貞淑不二之女紀載所必及而不容私於其間
也夫何人不古若喻利忘義文奸爲行鼓暴爲能飾
貪爲廉巴歌掩白雪之光市脯奪大牢之味而氓夫
微顯闡幽之旨亦獨何心哉書出人得指點而議曰
此陳壽之穢沈約之汚豈非千古罪人哉福幸生聖
時領絃歌之政遵良二千石之教戒敢不與共事者

精白一心以矯斯弊圖補風化之萬一乎若夫沿革山川道路橋梁祠宇寺觀凡所當錄者例有一定故不復贅云

重修遂安縣舊志序

詹

理

邑人侍御

予按遂志明興百九十年吏之修六事者數有令聞至其留心典故損益宜民使一邑文獻燦然足徵者先後得兩朱君子焉成化間姑蕪朱福氏以名進士來令遂愍志闕畧嘗採宋元舊志及當時所已錄者裒集成書顧時巨細畢舉考覈爽真逮正德中若義民散官之流亦續登各史冊其踳駁尤甚相襲莫有

遂安縣志

舊序

二

能易之者嘉靖戊午姑蘇朱守愚公亦以名進士由御史左遷來令吾遂一見志喟然嘆曰春秋人有微者不書姓名今志若此非法也遂禮聘鄉進士余子乾亨庠士余子東黃子應初重加校讎剪繁舉要其法準一統志例首沿革次分野次疆域次形勝次風俗次山川水利次戶口田土次物產貢賦次公署次學校次人物旌異文章之類而以雜志終焉卷凡四目凡三十有六大約事不求備惟取有補政教者錄之志成徵予序諸首簡予惟物之興廢有數存焉遂志釐自朱福氏迄今八十餘年得公取裁卒成全史

且公與福氏同姓同鄉同爲名進士其來令遂同其曠世相感纂修遂志亦莫不同焉謂不有數存乎其間耶福氏之政不可攷公令遂多善政其尤著者若興學校修尊經閣司訓王子汝舟詳記之矣已入志簡予可畧也公名木字子喬守愚其別號云

遂安縣志舊序

吳撫謙知縣

今郡邑之有志卽古列國之有史史者所以紀是非而昭萬世之公也惟志亦然其間若建置沿革疆域山川吏治人品風俗法制之類無巨細無美惡例皆得據其實而書之而大約總一邑之綱者官師也係

遂安縣志

舊序

三

一邑之望者人物也官師有賢劣人物有臧否尤後之法戒關焉於此一混則勸懲不彰將何以示天下萬世之公卽收類之詳組織之工君子猶以爲虛飾也故春秋紀列國之事惟寄予奪於一字之間而萬世之是非攸定後之作史者率以是爲祖然班馬二良史猶未免進功利而排節義其於春秋之義何有甚矣紀之未易言也遂之有志其來遠矣一修於成化丁酉重修於嘉靖戊午其中紀載非不盡善第所損益進退不知果爲吳競筆耶抑爲陳壽書耶况遭逢聖代隆平日久中間生齒之繁割置之廣科目人

才之盛視昔相去不啻什百則所以增益而釐正之者正今日所宜亟舉也顧事有次第一時未暇及乙亥夏偶值城工竣事鄉諸大夫往賀於邑首以是請各願捐貲供梓人費余勉承命因敦聘兼山公四山公二余先生王之繼聘蔣君濱泉胡君鳳川汪生時和余生一龍等輔之設局於第一山互相討論纂輯不逾月而藁成予猶懼其率易弗足以垂世也復延二余公專訂之其事始定既就梓諸君請序於予予亦何能贊一辭然竊聞之喜怒者一人之私也是非者天下之公也天下有公是固不得以一人私怒而

掩其實天下有公非亦不得以一人私喜而獎其進何者以所垂者遠而所係者重也維遂山有孤嫠五獅之勝水有龍沙鳳渚之佳以故毓秀鍾靈賢哲輩出若虛舟倡絕學於瀛山子南師陸氏於臨汝皆卓然後學之宗也宋林處士縉雲孤臣尤挺爲中流之柱史家所當特書以示法者舊志顧有所及有所未及識者有遺憾焉詳閱茲志所記有封域官師有貢賦選舉有文治武備有人物經制有綸綍藝文其立義註例刪繁祛謬較之前志其大綱節目亦既奕奕然稱備矣至於官師人物所係至重者尤必核其事

而稽其實雖其間所書不能盡同大要以有道德羞
功利獎恬退黜卑汚爲主凡所美所刺所進所黜卽
一字不少假借若先賢子南公後幾不競矣而實見
其有可尊之道雖前志未及必從而演其傳一毫喜
怒弗之與焉此之謂公是非定鑒戒隱然一春秋家
法也其爲後人思齊內省之助不旣大歟昔鄭國辭
命更禪譏世叔諸賢手而孔子亟稱其美今是志之
作以諸君子協謀考訂而爲之是宜其卓卓可稱也
已予愧弗文且未能裁一義於其間承諸君之命樂
一邑之史有成謹據膚見僭序之篇端以求正諸君

遂安縣志

舊序

子云

遂安縣志舊序

余亨乾邑人

吾巖古山越地也秦漢以前遙屬會稽置郡縣自孫
吳始吳遣賀齊平山越置郡曰新定而縣於武强者
亦曰新定云其名遂安自晉始歷代分隸不同備載
郡志邑之志由晉迄宋麤存欸目而已明興守令之
賢者屢修輯焉然任之不得其人甚有欲張其家世
而戾於國家之典故者觀者有遺議焉嘉靖戊午亨
嘗以邑侯守愚朱公之命而一釐正之方授梓人而
公以遷去未成全書萬歷丙子邑侯文臺吳公泣遂

者既五年矣凡職分所宜振舉者無論人近難易悉
以身肩之治教刑政文事武備罔不次第整整乃閱
邑乘見其放逸殘畧而銳意纂修由是肅書幣聘予
及子弟秉智屬以討論又聘鄉進士蔣君元吉輩六
七人屬以修飾潤色以館以穀以編以摩俶事於正
月既望再閱月而稿成復之俟而請刪正焉不踰時
而梓人程能簡帙就緒覽之篇終則見其大經大法
之宏以肆也條理節目之縝以密也筆削之簡以嚴
也文采之敷以腴也爲類爲卷各十合字計八萬九
千三百六十三言有因舊文而稍加考訂者分野疆

遂安縣志

舊序

六

域之類是也有一仍其舊而無所增損者職官山川
之類是也有制度聿新儀文始備而特書之者城郭
文廟山川社稷之壇是也有舊存其數而登耗損益
不同則併書之者賦役均平兵餉民壯之類是也有
仕宦之邑里歷履之後先悉本舊文而或書其字詳
其政行或畧而不書者官師之類是也有舊文遺逸
而卓節偉行碑傳足徵者則特書之節士貞婦之類
是也有文章關乎政教而前此未載今始考見者則
並收焉奏疏藝文之類是也有義起痺惡於盜賊囂
惡而列其名者則侯遵國初申明亭之制也諸凡屬

辭比事各有攸當其文則諸君子之所搜羅其義則
吳侯之所裁斷而亨之朽鈍得以借潤而仰成焉然
要於不虛美不隱惡述往事以鑒來者而已使自今
以往宦於茲者稽焉尊其美而屏其惡而吾輩之縮
儒紳與後來繼今者覩其賢不肖之迹以鑒戒而淑
其身焉則裨於世道也甯有既耶噫此正侯憂世覺
民之心也豈徒曰成一家言而已哉刻既成僉謂亨
宜序其末簡序之

遂安縣志舊序

韓晟

知縣

學者載籍極博必考信於掌故九州志自上古禹貢

遂安縣志

舊序

七

宗焉後之成一家言此其嚆矢自楚史倚相不能以
弔詭廢誦讀他可知矣迺若推本輿域綜核邱賦苞
舉物類亦禹貢之遺也文皇詔天下郡國各以志上
睦郡獻藁具在遂安統於郡故不載然計其則壤亦
何啻橘柚之包漆林之征雖不述揚亦曰提封文獻
不足則有司存焉耳成化嘉靖兩朱令前後修之其
書什一僅僅玉石糅矣萬歷丙子臨川吳公撫謙執
牛耳於二余先生雖復網羅掇拾不無尙嘆遺珠其
難如此邇者郡太守呂公惟興廢舉墜爲孳孳緝錄
郡乘檄下不佞晟謹受命不佞惟睦屬六邑夫非六

星之繫於北斗六律之稟於黃鐘與則柰何以餽釘
應於是修吳令故事並請於二毛先生二先生家藏
秘閣方主盟壇坫是宜志會給諫以病懶辭侍御惟
投石之懼亦固以辭不佞固以請乃許之由是東嚮
而揖諸博士得劉君尹鶴西嚮而揖諸文學弟子得
方生逢年汪生喬年劉君嫺於文詞兩生哀然澤宮
足以鼓吹休明羽翼作者與先生共事其惟博士兩
生乃侍御公則謂不穀待罪俞旨幸得當於編摩惟
方使者命是懼若史局其又何敢惟是靈巖洞禪棲
不腆之破帷在焉載筆從事非靈巖無當不佞唯唯

遂安縣志

舊序

八

於是延先生與諸賢於靈巖洞中分部概志區別臚
陳覃精抒思以壬子仲春俶事閱旬月而告成先生
猶嗛嗛未足謂二朱公則畧吳公則繁兩者皆然無
當則不穀何以謝伯兄而復使者不佞否否志於國
猶史也謂有左右左史則記事直書春秋是已右史
則記言以文典謨訓誥是已夫子作春秋筆削一因
於舊文未嘗意爲衮鉞夫有所受之尚書紀言故雖
以費誓費詞皆得附見於簡末如其無徵卽禘郊廟
學之儀什伍田祿之制止禘出於他傳記而書則槩
乎未聞夫子所爲寄慨於杞宋也先生事必準諸邱

里文必諧之雅馴直而不暱詳而不冗精而不儉體中度而聲中窅繁簡得矣即以勒之金華藏之石渠天祿無不可比者當大計庶尹之治儻然天子修文皇遺詔下職方問郡邑上計吏故實於以獻於王府藏於柱下史太史氏集而總厥成茲志也不爲一代之典故實錄哉書成不佞戾攜副本以行正留靈巖石室

遂安縣志舊序

毛一公邑人

明興以來迄於今乙亥吾邑之志凡三修矣至是復重修焉爲政者博羅嵩少韓侯也侯精於史學又具

遂安縣志

舊序

九

足史材下車即問民疾苦辯土宜覈租賦勸學興禮飭干楸而景高山日以其所已行者彙爲政考義一稟於春秋蓋居然登作者堂建旗鼓而辟易荀范諸家矣既乃簡師儒資館穀討邑志而增損之俾成一家言藏諸名山而聘吾家侍御爲祭酒事竣則屬余爲之序余惟天下大矣由六合而歷數之以至於一邑此奚啻稊米之在太倉然而陵谷不能無變遷土田不能無壤塉建置不能無沿革戶口不能無登耗賦役不能無重輕禮樂不能無興廢兵刑不能無張弛官師人物不能無良楛天下猶是郡國猶是十室

之邑亦猶是而何可以不志且夫志所從來遠矣九
邱其權輿乎嗣後班孟堅以彙志陳承祚以國志而
志郡邑者實昉焉雖然晉乘楚杌業已濫觴獨春秋
在魯得進與詩書鼎足者則以義經聖人之取耳要
以事猶桓文文猶史也吾夫子雖有所筆削亦僅如
詩書二經稍加刪定而禮樂征伐之是非固已燦然
指掌夫豈屑屑焉竄易其文哀諱其事而後乃始稱
義哉後世求其義而不得則爲凡例變例條例名例
以商畧而櫟括焉此夫以已意窺天者爾今夫天確
然示人至易而星官歷師各以一察占之占之而時

遂安縣志

舊序

有驗也輒侈然以知天自詫庸詎知天固未嘗以難
示人也耶故秉史筆者政不必字比句櫛一一摹倣
聖人而第於事欲核核則可徵於文欲確確則可傳
於義欲當當則可訓修斯三者而不朽之業在是矣
何論國史何論邑志哉蓋侯之論春秋者曰筆削一
因舊文未嘗意爲哀鉞有味哉其深達聖人竊取之
旨者乎余故因以春秋質焉於戲學如侯材如侯持
論如侯則茲志也信可以垂不朽矣是爲序

國朝

遂安縣志原序

梁浩然知府

國有史總天下之紀綱體嚴以重其載筆宜簡
郡邑有志記方隅之風物體典以核其綜事宜
詳雖詳簡有不同而據事直書取徵信於上下
則一也故志之修與史書等其間著沿革辨土
宜列官方崇實行揚善懲惡表章風化當其任
者不可以不慎且公載稽往時輯志多由賢守
令學博政暇雅好紀載延訪文士肆力蒐校成
爲一書然裒益予奪爲吳兢筆有之爲陳壽書
有之提封文獻僅有司存或視鴻文爲角藝之
資借鉅典爲傳名之具華實貿遷未足據也我

遂安縣志

舊序

十一

國家永清大定垂三二十年謨烈光昭超軼百代今
天子神聖四海來同覆載所極沐浴

聖化歲周一紀凡制度損益罔不率行燦然大備迺
復監觀萬國將合天下方輿邱賦人物風土而
集成之以彰王會之盛

特命天下各府州邑同時纂修固將勒爲成編登諸
史館煌煌

大典實重且宏較之往昔艱鉅倍蓰是非詳慎以
公安足上資天祿燃藜之助以仰副

朝廷採風型俗之盛心乎不佞承乏郡篆澠之志敢

聘宿學者稽極博袞鉞進退之間業已殫精抒
思矣至於邑乘則分檄諸邑告以典則攸關持
公忠慎之意使其網羅舊聞推主壇坫修輯宏
備而總省厥成焉嚴郡屬邑有六遂稱爲巨指
獅巒並踞龍渡交流義山碧嶂鍾其靈勝故忠
孝廉節事業人文煥然具在簡策今劉令當修
志之時得進士方氏昆季暨文學諸生相與芟
繁飾陋浹旬脫稿以證於余余披讀一過作而
言曰夫直而不阿精而不污臚陳而不襍者史
家之體也樹之型表端其規範以植士氣以正

民風使人各得其所者牧長之職也修事勵行
窮達一致爲斯世耀含譽之祥爲里閭昭芝麟
之瑞追先型於奕世垂懿架於無窮者賢士大
夫之事也茲志之成豈獨以備稽考乎哉鑒於
古式於今教倡於上化成於下際熙皞之時而
臻醕茂之俗吾於遂有厚期矣

遂安縣志原序

劉從龍

知縣

郡邑之有志倣於古侯國之史彙四方之事書
以達於王蓋紀疆土而列民風其間人品宦績
撫而特書之以備勸戒春秋國語之文犁然可

攷也而其瑣細不遺亦以識天星人事之錯出
地產物彙之挺生非若山經水注徒誇怪異已
耳是以作者必得其人而後可以傳久今

聖天子臨御萬邦德澤及於遐裔特命天下各府州
縣同時纂修甚盛典也我郡太守渤海梁公政
通人和之暇業已敦聘宿學編輯郡志其間進
退予奪出自獨裁既精且嚴矣復檄龍而告之
曰遂居睦之上游山川人物素甲六邑惟吾子
矢公矢慎詢訪獻老搜討舊聞以備一方典則
余將觀厥成焉龍按遂古越僻壤自孫吳始隸

遂安縣志

舊序

十三

於新安郡而遂安之名迨晉始有因循及宋時
湮事闕無從而考信矣前代縣令朱君福吳君
攜謙韓君晟迭爲採集頗有成書歷今數十年
凡興革置廢盛衰存沒之故其遺漏實多夙夜
兢兢懼無以副

上命爰禮請邑中之名進士方君昆玉暨文學之博
洽者設局纂修而邑博士邵君貳尹石君董成
之爲類十爲目九十有三提綱挈領抉微闡幽
闕者補之畧者詳之訛者正之而又博諮公議
而論次之前人之所未備者幾幾乎全矣第龍

竊有慨焉志也者志也方志是事而已欲善之
以有所取義作者之志也故其事欲核其義欲
當而其文始確陽秋月旦期在袞鉞並呈然而
善善長而惡惡短孔夫子之訓也使人讀之而
知所歆慕則猶與人爲善之意也今取是志觀
之方輿有圖矣雖足所未經如遊其地品行有
紀矣雖生不同世如見其人諸如官制政治之
大也以地方得其利而始傳賦役費用之繁也
以民情得其宜而可紀或表其里閭院落而重
其所居所遊之人揭其堤堰津梁而慎其所割

所修之地又爲陳其水旱載其擾攘而不沒其
救災捍患者之力臚列詳明後之人追芳躅於
前修杜弊流於往轍生斯邦者視鄉賢爲的而
飭躬範俗以爲士之楷模蒞斯邦者視各宦爲
標而潔已愛人以爲民之衽席將見科名日盛
風化日醇上則繼忠孝廉貞之績次亦遵信義
勤儉之風是朱陸講學再見於同堂而張顏殉
身重覩於後嗣也遂山稱孤嫠五獅之勝水稱
龍沙鳳津之奇不於此而益高益深也哉蓋賢
師帥梁公德教洋溢兼秉三長之望以倡率於